

**UNDP CU PALABRANAN
DI ELOGIO PA
GOBIERNO SALIENTE**



WWW.SOLODIPUEBLO.COM




SOLODIPUEBLO@GMAIL.COM

Otmar Oduber di PPA:

**“RECORTE DI RIBA 100
MIYON DEN AZV TA KEDA UN
INSTRUCCION DUDOSO”**



**GRANDIOSO
START PA ARUBA
BANK WALK &
RUN 2025 CU
PARTICIPACION
MASAL**



**FRACCION DI MEP TA EXIGI
RESPET PA PARLAMENTO: MAS
DI 350 PREGUNTANAN SIN
CONTESTACION FOR DI PARTI DI
MINISTERNAN**



Fraccion di MEP ta expresa su preocupacion pa e manera cu Gobierno no ta cumpli cu su obligacion pa contesta peticionan formal for di Parlamento. Fraccion di MEP a entrega mas cu 30 peticion di pregunta oficial, cu un total di 350 pregunta, pero te dia di awe no a ricibi ni un contesta formal for di e Ministernan concerni.

**TA IMPORTANTE PA E GOBIERNO ACTUAL BIN ACLARA
NA PARLAMENTO CUA MINISTER TA ENCARGA
CU CUA CARTERA**

Otmar Oduber di PPA: “RECORTE DI RIBA 100 MIYON DEN AZV TA KEDA UN INSTRUCCION DUDOSO”

Dialuna mainta tabatin un tremendoreuniony dinivel, unda hopi informacion relevante y importante a bin dilanti. Durante e reunion di e Comision Permanente di Asuntonan di Famia y Adulto Mayor, e miembronan di Parlamento como tambe directiva di AZV y SVB presente, a percura pa tur pregunta haya su atencion, scuchando atentamente, unda nan tur a haya mas comprension y aclareacion riba e topico importante aki.

Bon preparacion di AZV y SVB

Segun Parlamentario Oduber, den su funcion como presidente di e comision, e ta aplaudi con bon prepara tanto AZV como SVB a bin y a sa di trece hopi informacion relevante y al caso dilanti. “Ta cla awor cu AZV a sigui e instruccion pa corta 60 miyon florin. Pero realidad ta, cu den un periodo di 3 aña, tabatin un total recorte di mas di 100 miyon florin den e sistema di salubridad na Aruba. Esaki ta nifica cu a corta y haci daño na nos servicio, remedi y bienestar general di nos comunidad,” Oduber a declara.

AZV sin rapport oficial

A pesar cu e reunion tabata uno di caracter confidencial, no por tapa e implicacionnan. Sin embargo, Parlamentario Oduber dado momento a kita

su pechi di presidente y bisti esun como unico parlamentario pa fraccion di PPA, cu henter e discusion aki a conduci na mas preocupacion cu tranquilidad pa su fraccion. Oduber a indica cu: “Ta preocupante cu tur hende ta tira e responsabilidad riba otro. AZV no tin rapport oficial y e gobierno saliente tambe ta bisa cu nan a bringa e punto aki cu Hulanda, pero finalmente e instruccion a bin di BZK for di Den Haag!”

Dos rapport cu mesun suma

Durante e reunion e ex Prome Minister y ex Minister di Salubridad a indica cu tanto e rapport di PWC como esun di CAft ta referi na un recorte di 5 miyon florin pa aña y no 5 miyon pa luna. “Anto e pregunta ta keda, con nos a yega na e cifra di 60 miyon? Niun por duna un splicacion concreto. Y mientrastanto, AZV ta muestra di tin un surplus di 106 miyon, pero a costo di kico esaki a bay? Bida? Tratamento? Remedi? A pone un presion inhusto riba nos sistema di salud!” Oduber a expresa.

No laga AZV su storia ripiti cu Rijkswet

Parlamentario Oduber ta masha preocupa cu henter e asunto aki y ta boga y urgi tur su coleganan di Parlamento, Gobierno, e gremionan y pueblo en general pa ta hopi mas



atento y proactivo cu e asunto di Rijkswet. “Nos no por permiti pa loke a pasa cu e recorte di AZV, ripiti cu Rijkswet. Ya for di 1 di mei 2025 nos tin como resultado, un aumento di 6.9% na interes, paso nos no ta atendiendo cu e asunto aki debidamente y responsablemente”. PPA ta bogando pa un reunion publico urgente for di 30 di januari 2025. “Reglement van Orde ta stipula un maximo di 30 dia pa esaki sosode, pero ya tin 110 dia ta pasando y nada ainda. Ban laga politica un banda y no laga loke a pasa cu AZV bolbe ripiti,” Otmar Oduber a termina bisando.



SOLODIPUEBLO@GMAIL.COM

CEL.585 9500



FRACCION DI MEP TA EXIGI RESPET PA PARLAMENTO: MAS DI 350 PREGUNTANAN SIN CONTESTACION FOR DI PARTI DI MINISTERNAN



Fraccion di MEP ta expresa su preocupacion pa e manera cu Gobierno no ta cumpli cu su obligacion pa contesta peticionan formal for di Parlamento. Fraccion di MEP a entrega mas cu 30 peticion di pregunta oficial, cu un total di 350 pregunta, pero te dia di awe no a ricibi ni un contesta formal for di e Ministernan concerni.

Esaki ta un falta di respet pa e institucion di Parlamento y pa nos democracia, caminda transparencia y acceso na informacion ta fundamental pa un Parlamentario por cumpli cu

su trabou debidamente. Como parlamentario nos tin e deber y obligacion pa informa pueblo riba decisionan di gobierno cu ta toca pais Aruba y su hendenan.

Durante campaña electoral, partido Futuro a priminti den su programa di partido cu lo “introduci periodo maximo di 2 siman pa minister contesta pregunta di parlamentario.” E promesa aki, sinembargo, no ta refleha den e realidad actual, caminda peticionan ta keda sin ningun tipo di contestacion of reaccion. Ademá, Fraccion di MEP a indica cu Gabinete Wever-Croes

II a introduci un maneho pa contestacion di preguntanan di Parlamento dentro di un periodo di tres siman y por nota cu esaki tampoco ta wordo sigui.

Fraccion di MEP ta exige pa Gobierno cumpli cu su deber constitucional y legal pa contesta preguntanan di parlamento den un periodo rasonabel. Ta mediante cuestionamento Parlamentarionan por ehersce nan rol di control, y pa por haci esaki manera ta debe, acceso na informacion ta esencial. E preguntanan presenta ta trata temanan cu ta relevante y urgente pa bienestar di nos pueblo, entre

otro:

- Aumento di gas domestico;
- Aumento di suma pa seis fundacion;
- AAA y Schiphol;
- Efecto di Tradewar;
- Asunto di rijkswet nobo;
- Scarcedad di vivienda FCCA;
- Adaptacion lista positivo di remedi AZV;
- Eliminacion di arbeidsmarkttoets y;
- Ciere di frontera cu Venezuela.

Finalizando, Fraccion di MEP ta urgi Gobierno actual pa tuma responsabilidad y demonstra nan compromiso pa traha den transparencia y colaboracion cu Parlamento, manera ta stipula den nos Constitucion y alabes den plan di Gobernacion 2025-2028. Pueblo ta merece claridad, y Parlamentarionan ta merece e respet institucional pa por ehersce nan funcion como representante di pueblo.

HOBEN MOTOCICLISTA LEVEMENTE HERIDA DEN ACCIDENTE NA AYO



Sero Pita - Ayo
Dialuna anochi algun minuut despues di e accidente na Hooiberg, a sosode un otro accidente pero ariba caminda di Sero Pita pa Ayo.
Tawata trata di un accidente

entre auto cu brommer. Forensys a wordo poni na altura y na su yega mester a pidi pa polis, debi cu e motociclista a resulta herida y cada uno tawata bisa un diferente version di e sucedido.

E vehiculo envolvi tawata un NETA y e brommer un Honda.

Locual a sosode tawata cu un hoben cu a caba di traha tawata bayendo su cas ariba brommer y a bay pasa e NETA.

E NETA na su turno lo a bay bira na su man robes, net momento cu e brommer a bay pasa. E hoben a splica polis di trafico cu a presenta cu e auto no a pone señal y debi cu e auto no tawata coriendo duro a bay pase. Ey ta unda e impacto a tuma luga, y den e impacto




e hoben motociclista a bay cay den mondi panort di caminda, unda cu e la herida su mes. Ambulance a presenta y a atende cu e hoben na e sitio mes, y nan a haya cu no ta necesario pa

e bay Hospitaal.

Forensys y polis di trafico a haci nan tarea na e sitio unda cu despues tur hende por a bay nan destino.

GRANDIOSO START PA ARUBA BANK WALK & RUN 2025 CU PARTICIPACION MASAL



hopi energia y entusiasmo.

2600 participante a bini hunto pa Aruba Bank Walk & Run cu ta mucho mas cu un evento Deportivo, e ta un movimiento cu ta uni comunidad.

Manera ta usual, hopi participante ta bin cu nan boter di awa y contribui na e meta pa mantene e evento completamente sin plastic. Aruba Bank ta profundamente agradeci pa e esfuerzo colectivo pa proteha nos medio ambiente.

E ruta pa e siguiente dianan ta mei 20 - Joe Laveist – San Nicolas, mei 21 - Centro di Bario Noord y mei 22 Aruba Bank Camacuri Branch. Pueblo di Aruba ta cordialmente invita pa sali, para banda di caminda y apoya nos coredornan y canadonan.

Pa resultadonan live y updates di bo coredo favorito, download e App di Aruba Bank Walk & Run App

Check out tur e potretnan di Day 1 riba Facebook di Aruba Bank.



Nos ta topa bo mañan pa e segundo dia e evento di caminata mas grandi di aña den distrito di San Nicolas!

ORANJESTAD, Aruba e di 19 edicion di Aruba Bank Walk & Run 2025. Dialuna atardi pa 6:30pm en punto a marca e comienso pa E caminata di 4 dia a cuminsa den Paradera cu

OP=OP VOORDEELSHOP ARUBA A PARTNER UN BIAHA MAS CU ARUBA DOET



Op=Op Voordeelshop Aruba ta orguyoso di ta un di e partners di Aruba DOET 2025, un iniciativa nacional di trabou boluntario cu ta uni comunidad pa trece un impacto duradero. E compania a facilita nan “Big Shopper” reusable bags, cos dushi y snacks na tur e proyectonan comunitario cu a tuma lug den weekend. Adicionalmente, a yuda e lidernan di cada proyecto cu descuento special pa nan tiendanan pa asina por cumpra material necesario.

E compania ta orguyoso di tin varios aña apoyando e evento boluntario di mas grandi riba nos isla, y ta contento di por sigui sostene un gran iniciativa cu ta trece cambio positivo. Op=Op Voordeelshop Aruba ta gradici e organizacion di Aruba DOET y tur boluntario pa nan trabou, esfuerzo y e tempo dedica pa hunto haci un diferencia den nos comunidad.



**Announcement of the
Government of Aruba (GOA)
Bonds Issue – Afl. 65,000,000
5.00% June 6, 2025 – June 6, 2033
Tranche II**

Issuance pursuant to the State Decree of May 19, 2025 no. 1 in implementation of article 2 of the State Ordinance of March 31, 2025 establishing the budgets of the Ministries of Aruba for the 2025 service year and authorizing the Minister of Finance to cover its financing needs in the 2025 service year (AB 2025 no. 7), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on June 6, 2025.

Amount:	Afl. 65,000,000 (Afl. sixty five million)
Coupon rate:	5.00 percent
Maturity:	8 years
Redemption date:	June 6, 2033

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Monday, June 2, 2025 at 12:00 p.m. at the latest**

Aruba, May 21, 2025
Centrale Bank van Aruba



**Announcement of the
Government of Aruba (GOA)
Bonds Issue – Afl. 100,000,000
6.00% June 6, 2025 – June 6, 2039
Tranche I**

Issuance pursuant to the State Decree of May 19, 2025 no. 1 in implementation of article 2 of the State Ordinance of March 31, 2025 establishing the budgets of the Ministries of Aruba for the 2025 service year and authorizing the Minister of Finance to cover its financing needs in the 2025 service year (AB 2025 no. 7), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on June 6, 2025.

Amount:	Afl. 100,000,000 (Afl. one hundred million)
Coupon rate:	6.00 percent
Maturity:	14 years
Redemption date:	June 6, 2039

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Monday, June 2, 2025 at 12:00 p.m. at the latest**

Aruba, May 21, 2025
Centrale Bank van Aruba

Centro di Bario Noord hunto cu CMMA TA PRESENTA CHARLA TITULA, “HABRI BO WOWO”



Den cuadro di campaña di conscientisacion di Coördinatiecentrum Mensenhandel Aruba (CMMA) pa loke ta traficion di hende, Centro di Bario Noord hunto cu CMMA ta presenta charla titula, “HABRI BO WOWO.”

“Habri bo Wowo” ta campaña di conscientisacion cu a cuminsa na 2021 cu e

lansamento di prome pelicula, “Otro Banda di Lama.” Un pelicula unda a explora e topiconan importante di traficion di hende y contrabanda di migrante. Awor, CMMA ta lansa nan di dos produccion di pelicula local, cu ta hiba e titulo, “Otro Banda di e Cam.”

Traficion di hende ta Traficion di hende ta e comercio di hende cu e proposito di trabou



forsa, esclavitud sexual, of explotacion sexual comercial pa e traficante of otronan.

E ta un crimen contra un persona y ta afecta e derecho di un ser humano riba autodeterminacion, libertad y felicidad. E crimen aki ta viola e derecho di movcion y autodeterminacion di e víctima pa medio di forza of coercion, y pa motibo di nan explotacion comercial. E acto di traficion ta: e reclutamento, transporte,

traspaso, warda of ricibi persona.

Traficantenan ta usa e menasa di forza, engaño, coercion, abuso di poder of posicion di vulnerabilidad. E proposito di traficion semper ta explotacion.

Meta di e campananan aki ta pa educa y conscientisa pueblo pa no cay den trampa di e tipo di abusonnan aki, como tambe, ta consciente di unda esaki por ta pasando cu hendenan rond di nos

den nos comunidad. Nos tur como miembro di un sociedad tin un rol pa protehe otronan rond di nos di e acto di traficion di hende.

Charla lo tuma luga dia Dia 22 di mei 2025, di 7:00pm - 9:00pm, na Centro di Bario Noord. Pa mas informacion por semper tuma contacto cu centro via: 5682935 | ligiaplcbn@gmail.com

King ta feliz cu su spaarpot yen yen! ARUBA BANK TA HACI ENTREGA DI PREMIO DI E CAMPAÑA DI SPAAR DI CUENTA ABC – SAVING DREAMS



Oranjestad, Aruba, 20 di mei 2025 – Aruba Bank a anuncia cu King Hoek ta e feliz ganador di e campaña di spaar Cuenta ABC – Saving Dreams.

Mami, como e superheroe den e storia di King, a aplica pa un cuenta di spaar – Cuenta ABC pa su yiu durante e periodo di e campaña, di e forma aki contribui na futuro di

King.

Entre tur aplicantenan di un Cuenta ABC, Aruba Bank a saca un (1) ganador pa un premio special di AWG 1,000, cu lo wordo directamente deposita riba King su cuenta di spaar.

Pabien King Hoek! Sigui spaar dushi pa hopi aña mas y goza di e interes cu lo sigui acumula durante e


periodo te ora cu cumpli 18 aña.

Aruba Bank ta stimula spaarmento for di chikito, paso cada florin conta ora bo ta trata di futuro di bo yiu.

Pa mas informacion bishita www.arubabank.com/cuenta-abc

Parlamentario Evelyn Wever-Croes

TA IMPORTANTE PA E GOBIERNO ACTUAL BIN
ACLARA NA PARLAMENTO CUA MINISTER TA
ENCARGA CU CUA CARTERA



ORANJESTAD – Parlamentario Evelyn Wever-Croes a entrega un carta na e gobierno nobo, buscando aclaracion riba cua minister ta encarga cu cua departamento. E pregunta aki ta basa riba e hecho


cu ultimamente por a nota cu tin varios minister ta haciendo trabounan di otro, y cu entre nan no ta existi un confiansa.

Parlamentario Wever-Croes a expresa cu pa Parlamento por haci su trabou di controla Gobierno debidamente, ta hopi importante pa nan sa cua minister ta encarga cu cua cartera. Na e momento aki esaki no ta mucho cla mirando cu por ehempel e Minister di Labor ta Wendrick Cecilia pero ta Minister Arthur Dowers ta tumando decisionnan, e Minister di Relacion di Reino ta Gerlien Croes pero esunnan cu ta papia ta Prome Minister Mike Eman y Minister Geoffrey Wever. Tambe den e caso di e Minister di

Economia cu ta Geoffrey Wever, awor Prome Minister Mike Eman ta invita señor Miguel Mansur pa yud’e riba e tema di economia. Pues ta importante pa Parlamento haya un bista cla di e Gobierno aki cua minister ta encarga cu kico.

Tambe por a nota cu e gobierno ta firmando hopi cos, sin cambia e ley pa duna esakinan base legal. Mas importante, a pesar cu ley ta stipula cu mester tin un minister di integridad, no tin niun minister actualmente encarga cu integridad.

Pa e motibo aki nos a manda un carta pa gobierno cu varios pregunta, den espera di un contesta pronto pa asina elimina tur



confusion cu tin den comunidad y den Parlamento.

MINISTER PRESIDENT EMAN: GOBIERNO TA
STUDIANDO PA BAHAF OF ELIMINA E 5% PRIMA DI
AZV PA NOS PENSIONADONAN

Minister-president mr. Mike Eman a asisti awe mainta na un encuentro social yen di cariño na Seroe Janchi, caminda e y su señora Doina a pasa un bon mainta hunto cu un grupo di pensionado. E actividad aki a tabata organisa pa famia Arends–Kelly, cu tabata kier sorprende e Premier Eman y su señora cu un acto di agradecimiento den nomber di e adultonan mayor di e bario. Durante e reunion, e pensionadonan no solamente a disfruta di un dushi desayuno, pero tambe di un dialogo sincero y yena di gratitud. E adultonan mayor a expresa nan aprecio pa e desicion di gobierno AVP-Futuro y pa e esfuerso personal di Premier Eman, pa e aumento di AOV cu 250 florin y e restauracion di cobertura di AZV p’e remedinan cu tabata elimina antes. Premier Eman a enfatisa cu e pasonan aki ta producto di un esfuerso conhunto di su gobierno,

y a pidi un aplauso pa e ministernan Mervin Wyatt Ras, Gerlien Croes, Geoffrey Wever, Wendrick Cicilia y Arthur Dowers. E tambe a muestra cu e fraccionnan di AVP y Futuro ta un pilar importante den e logronan aki. “Un sociedad no por bira mas fuerte si nos laga atras esnan mas fragil. Nos adulto mayor merece seguridad, respet y dignidad,” segun Premier Eman. Durante e mesun ocasion, Minister-president Eman a anuncia cu Gabinete AVP-Futuro actualmente ta haciendo un estudio pa baha of elimina completamente e 5% prima di AZV cu e pensionadonan ta paga, pa esnan cu un ingreso anual bou di 30.000 florin. “Nos ta buscando un solucion husto. Si bo a traha tur bo bida y bo ta ricibi un pensioen chikito, bo por spera cu gobierno no ta pone mas carga riba bo,” Premier Eman a enfatisa.



“Nos tey pa nos pueblo. Especialmente pa esnan cu tin mas necesidad. Dignidad di nos grandinan no ta un punto final den e presupuesto, sino un guia moral pa nos maneho.” E encuentro a culmina cu un gran aplauso pa Premier Eman y un promesa di e presente-nan: e adultonan mayor di Seroe Janchi lo sigui traha pa nan comunidad y ta firme den nan sosten pa un gobierno cu ta mehora visibelmente nan calidad di bida.

MINISTER DI LABOR WENDRICK CICILIA CU MANEHO TEMPORAL PA COMBATI E CRISIS LABORAL

Diamars mainta, den un esfuerço pa trece claridad y tranquilidad den un momento crucial pa nos economia, Minister di Labor, mr. Wendrick Cicilia, a ricibi algun pregunta di prensa pa duna splicacion di e maneho adapta temporalmente pa e proceso di aplicacion pa permiso laboral.

Ta conoci cu ya pa algun luna tin un demanda alarmante pa forsa laboral den e sectornan manera hospitalidad y comercio. Varios gremio comercial a expresa nan preocupacion, señalando cu nan no ta logra yena e vacaturanan, locual ta pone un peso enorme riba e personal existente. E situacion aki ta forsa e empleadonan pa traha overtime regularmente causando cansancio extremo y eventualmente reduci e calidad di servicio, cual na su turno ta afecta e operacion di e empresa mes. “E continuidad di e empresa ta na peliger, y na momento cu bo no tin

suficiente trahado, bo no por cumpli cu e demanda”, segun Minister Cicilia.

Reforma temporal pa acelera permiso laboral

Pa yuda alivia e situacion aki, dia 24 di april 2025, Minister di Labor mr. Wendrick Cicilia, hunto cu Minister di Husticia y Integracion mr. drs. Arthur Dowers, a implementa un cambio temporal den e proceso di aplicacion pa permiso di trabao. Esaki ta encera e suspencion temporal di e “arbeidsmarkt toets” individual cu tradicionalmente DPL ta haci prome cu DIMAS por trata un peticion.

E ahuste aki ta un reaccion necesario pa acelera e tramite di permiso laboral, mirando cu e arbeidsmarkttoets individual ta crea un ‘bottleneck’ den un periodo caminda e demanda ta supera e oferta riba e mercado laboral.

Un proceso di consulta



amplio cu sector priva

Durante e periodo di formacion, a tuma tempo pa dialoga cu instancianan clave den nos comunidad, manera AHATA, ATIA, CUA, AF&BA y otro entidadnan. E mensahe for di e sector priva tabata cla: e falta di trahado ta un problema structural pa crecimiento economico di Aruba.

“Na 2007 a introduci e arbeidsmarkt toets cu e meta pa proteha nos mercado laboral local y tabatin suficiente persona riba e mercado laboral

disponibel”, Minister di Labor a expresa. No obstante, e realidad actual ta exige flexibilidad y cambio. Cu e cantidad di hotel nobo cu recien a habri y anticipando mas cu lo ta habriendo pronto, e presion riba e mercado laboral ta sigui crece.

Garantia pa empleadonan y mantencion di estabilidad

Minister Cicilia, den un dialogo recien cu DPL, SEPPA, TOPA y representantenan sindical, a garantiza cu e cambio aki ta temporal y lo evalua e mercado laboral

continuamente y adapta e maneho segun necesidad. “Nos por compronde cu esaki por causa cierto preocupacion, pero esaki ta un necesidad a corto plaso pa por atende cu e reto laboral aki”, Minister Cicilia a enfatisa. E empleadonan di DPL no tin motibo pa preocupacion, nan futuro laboral ta garantiza.

E meta ta pa crea un solucion acelera y eficiente pa yena e vacaturanan urgente, sin afecta e estabilidad di e personal cu ta traha incansablemente na desaroyo di nos Pais.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Parlamentario Evelyn Wever-Croes

Contento di mira cu Gobierno nobo ta continua cu colaboracion cu UNDP

UNDP CU PALABRANAN DI ELOGIO PA GOBIERNO SALIENTE

“Forsa y determinacion di Gabinete Wever-Croes 2 tabata e yabi di exito pa e facultad nobo di Universidad di Aruba”



Durante gobernacion di Gabinete Wever-Croes II, Gobierno a restaura e Monumento Maria Convent na unda ta situa e Facultad di Sustainable

Island Solutions through Science Technology and Mathematics (SISSTEM) di Universidad di Aruba. Parlamentario Evelyn Wever-Croes a indica

cu e restauracion di e monumento aki ta un muestra cu Gobierno anterior a duna balor na partinan importante di e historia di Aruba. Na e facultad aki, e hobennan ta haña conocimiento riba e area di tecnologia, cu ta e trabounan di futuro.

Facultad nobo di SISSTEM no ta solamente “green” manera e gobierno

anterior di AVP tabata kier. SISSTEM ta un vision di Gabinete Wever-Croes mucho mas amplio. E ta pa crea y brinda solucionnan sostenible pa paisnan chikito riba tereno di ciencia, tecnologia, ingenieria y matematica. Esaki ta un legado cu nos a laga pa futuro generacionnan den tecnologia y innovacion.

“Gobierno anterior a inverti den e proyecto aki un total di 13.6 miyon cu ta e placa cu Aruba a haya di Union Europeo pa dicho proyecto.

Y ainda falta e otro 14 miyon cu Aruba lo haña pa E-Government cu sigur lo ta un joya di proyecto” Parlamentario Evelyn Wever-Croes a expresa.

DIA MUNDIAL DI ABEHA 2025:

E rol vital di abehanan den garantisa siguridad global di cuminda y nutricion



un menasa grandi pa colonia di abeha. Ta importante pa restaura areanan natural cu matanan local cu ta atractivo pa abeha.

- Practicanan sostenibel: Promove agricultura sostenible, manera agroforesteria y agricultura organico ta esencial pa reduci e impacto negativo riba e polinisadornan. Conservacion di biodiversidad:

- Variedad di mata: Un diversidad di flor ta esencial pa nutricion pa abehanan y otro polinisadornan. Plantamento di diferente tipo di mata y flor ta segura cu abeha tin cuminda durante henter aña.


- Ecosistema balansa: Abehanan ta parti di un ecosistema compleho. Conserva biodiversidad ta nifica proteha tur organismo cu ta hunga un rol importante den dje, for di insecto te na mata y bestia.

Siguridad y nutricion di Cuminda:

- Polinizacion y produccion di cuminda: Abehanan ta responsabel pa polinizacion di gran parti di nos cosecha. Sin nan, produccion di hopi cuminda basico lo ta limita of ta disminui, afectando siguridad alimenticio mundialmente.

- Calidad di cuminda: Polinizacion door di abehanan no solamente ta aumenta cantidad di cuminda, pero tambe ta mehora su calidad nutricional. Frutanan y berduranan polinisa pa abehanan tin mas vitamina y mineral.

Den cuadro di e celebracion di Dia Mundial di Abeha 2025, ta esencial pa reconoce e rol vital di e insectonan aki y tuma accion concreto pa proteha nan y tambe



nan habitat. Esaki ta inclui; practica agricultura sostenibel, restauracion di ecosistema y educa publico tocante e importancia di polinisadornan pa nos propio supervivencia. Considera menos uzo di pesticida, planta variedad di mata cu ta saca flor y provee un poco awa limpi den bo hardin. Tambe por pensa riba iniciativanan manera

programanan di proteccion di habitat y investigacion riba salud di abeha. Sostene productornan local di stropi di honing. Por yama impkernan cu ta specialisa den bay cu colonia di abeha si esakinan a invadi bo propiedad. No mester fliet casnan di abeha esaki por resulta den un situacion mas peligroso caminda nan ta cuminsa ataca y pica.



ORANJESTAD - Abeha y nan importancia ta mas cu simplemente produci stropi di honing: nan ta e arkitectonan invisibel di nos ecosistema y ta garantisa suministro di cuminda pa hende y bestia. Nan trabou di polinizacion ta esencial pa por reproduci mayoria di e matanan cu ta duna nos cuminda, di fruta, berdura te na simia. Sin nan rol vital, agricultura mundial y nutricion di hende lo ta na peliger. E tema di Dia Mundial di Abeha 2025, "Sea inspira pa naturalesa pa nutri nos tur" na Ingles e ta; "Bee inspired by nature to nourish us all", cu ta un recordatorio di e conexion profundo entre hende y naturalesa. Directie Natuur en Milieu (DNM) ta remarca cu awe 20 di mei ta recorda Dia Mundial di Abeha cu ta un invitacion na nos comunidad pa admira con eficiente abeha como parti di naturalesa ta y pa uza esaki como guia pa e accionnan cu mester tuma. E tres puntonan cu ta sigui ta splica den detaye kico ta e menasanan pa abeha y kico nos por haci pa yuda poblacion di abeha sobrevivi.

Restauracion di ecosistemanan:

- Habitat di abeha: E perdida di habitat door di expansion pa vivienda y agricultura intensivo ta

DAMA HERIDA DEN ACCIDENTE DI TRAFICO NA HOOIBERG



Hooiberg - Dialuna anochi algo prome cu 11'or polis a bay ariba e caminda principal di Hooiberg pa Santa Cruz, pa un auto cu a bolter.

Polis di Santa Cruz cu a yega ta topa pazuid di

caminda, ariba un tereno habri un Toyota Yaris. Por a mira cu pa un of otro motibo e auto a subi e tereno y ranca meter di awa causando cu basta awa tawata bay halto.

Ambulance tawata

necesario pa un dama cu a resulta herida. Paramediconan cu a presenta a opta pa hiba e dama Hospitaal pa dokter por haci control mas extenso.



WEB tambe a wordo poni na altura y a presenta pa

regla e meter di awa cu a wordo kibra.

Sagicor Life to Host Fundraising Bingo for Colegio Santa Famia

Oranjestad, Aruba: Sagicor Life Aruba is proud to announce its upcoming fundraising event, a live Bingo night on Saturday, May 31, 2025, in support of Colegio Santa Famia. The event will be broadcast live on Diario TV (channel 48) and Bingo Aruba's You Tube and Facebook pages and will begin at 7:00 PM.

Participants will have the chance to win exciting prizes ranging from Afl. 250 to Afl. 2,000. All proceeds from the event will go directly to support Colegio Santa Famia in its continued mission to provide quality education and resources for its students. "This Bingo fundraiser is another example of how Sagicor Life continues to invest in the future of the

community here in Aruba," said Randall Croes, General Manager of Sagicor Life Aruba. "The commitment of the team at Colegio Santa Famia is noteworthy and we are proud to work on this initiative to provide further support to the achievement of their goals for the improvement of the well-being and education of our youth.

We are immensely grateful for the contribution of our sponsors: Eagle Aruba Resort (Double Down Sports Bar & Grill), Palm Tours, Biofresh, Divi Golf Aruba, La Cabana Beach Resort & Casino and Laycro." This initiative follows

Sagicor's successful 5K Fun Walk which was held last year in support of Breast Cancer Awareness Month. For more information or to reserve your Bingo card, please contact the Sagicor Life Aruba Office at 588-5046.

Clasificados

SOLODIPUEBLO@GMAIL.COM

CEL. 585 9500

COPA NOORD 2025 ORGANISA PA ROYAL POWER TAT FAT Y HEINEKEN:

Salbabo ta sacudi e bario di Kudawecha lagando Super Plus den tereno 5-4 den bom di 9 inning


















Copa Noord 2025 dedica na Johannes "Poy" Flanegin, Alvaro Barrios, Nel Frank y Francis Arcaya patronisa pa HEINEKEN a continua diadomingo ultimo na veld di Kudawecha. Den e ultimo wega riba schedule pa diadomingo den oranan di atardi Salbabo a midi forza contra Super Plus. Fanaticada di ambos banda por a goza di un señor partido. Salbabo ta pica bay ariba den promer inning 1-0 y

ta amplia esaki den bom di dos inning cu un careda mas haciendo e score 2-0. Den cabez di 3 inning Super Plus ta logra corta e ventaha 2-1 pero den bom di 5 inning Salbabo ta keda pone presion y ta anota un careda mas pa hasi e wega 3-1. Ora tur cos ta muestra cu Salbabo ta kla pa celebra su victoria faltando 3 out Super Plus den su ultimo turno na bate den cabez di 7 inning ta anota 2 careda pa empata e wega y forsa

bay extra inning usando asina e Tie Break rule. Den bom di 8 Salbabo ta yena base cu base por bola intencional pero no ta remolca. Den cabez di 9 inning Super Plus ta anota un careda pa bay ariba 4-3. Salbabo den bom di 9 inning ta logra empata e wega 4-4 y riba hit di oro di Chali Contreras Pulido cu basenan yen ta laga Super Plus den tereno 5-4. E celebracion a continua den tereno y fanaticada por mira atras riba un wega valido pa Copa Noord 2025 den pool B yena cu emocion. Pitcher ganador a resulta Roberto Henriquez kende a cubri henter e ruta. Pa Super Plus Albert Croes a habri e partido pero a wordo releva mesora den promer inning pa Poy Flanegin kende na su turno ta wordo releva pa Ray Giorgio Bernabela den di 5 entrada kende finalmente ta bay cas cu e derota. Pa Salbabo a destaca na bate Zefrinthian Kerr 3-2, Aigil Brete 4-2, Charli Contreras Pulido 1-1 cu e hit di ORO y Nigel Calmes di 2-1. Pa Super Plus a luci na plato Edgar Flanegin y Leuris Alcantara Ramos ambos di 3-2, Michell Alvarez di 1-1 y Ray Giorgio Bernabela di 2-1. Aparentemente dialuna mainta ainda Salbabo tabata celebrando pero sigur tabata un wega pa celebra.

Copa Noord 2025 lo continua diasabra awor 24 di mei cu 3 partido amistoso 5pm, 7pm y 9pm mientras diadomingo 25 di mei un tabla lo bula riba veld di Kudawecha.



		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🎡 - May 20, 2025	
 Sorteo # 4626 5168 4728 5479  FP  Sorteo # 4626 3314  FP  Sorteo # 2682 3478  Sorteo # 4626 4568 Piscis  Sorteo # 1500 086  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 500.000,-
		 Sorteo # 0 x Jackpot 0 x Match 4 0 x Afl 8,00	Proximo Jackpot 150.000,-
		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 330.000,-
		 Afl. 440.000,-	
		 Sorteo # 	

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Anochi - May 20, 2025

Sorteo # 8548
0575
0572
3296
X2
Sorteo # 7592
1272
X5
Sorteo # 2297
9434
Sorteo # 6351
0104
Piscis
Sorteo # 1281
166
X3

Sorteo #	Joker Letter
0 x Jackpot	Proximo Jackpot
0 x Match 4+	500.000,-
0 x Match 4	
0 x Afl. 12,00	
	06-10-12-18-26
Sorteo # 6831	Proximo Jackpot
0 x Jackpot	150.000,-
10 x Match 4	
281 x Afl. 8,00	

Sorteo #	Mega Ball
0 x Jackpot	Proximo Jackpot
0 x match 4	330.000,-
0 x Afl. 500,00	
0 x Afl. 50,00	
0 x Afl. 15,00	
	Afl. 440.000,-

Sorteo #	

Parlamentario di AVP, Sonaly Fernandez-Acosta:

Conocemento innovativo pa educacion na Aruba despues di conferencia na Panama

ORANJESTAD (20 di mei 2025) – Durante e tres dia di sesion cu e parlamentario a participa recientemente na Panama, a obtene informacion importante y actualisacion por contribui di forma valioso na fiha e rumbo di maneho cu ta hiba na Aruba, especificamente den e area di educacion. Entre e temanan cu a trata tabatin inteligencia artificial, e concepto di Scol Creativo y tambe e patronchinan di estudio awendia y nan efecto riba sociedad.

Fernandez-Acosta a forma parti di un delegacion di Parlamento, como miembro di e comision di educacion. Asina a reuni cu homologonan di diferente pais di Latino America kende a presenta un variedad di tema y estudio. “Tur topico unda por haya informacion relevante pa nos enseñansa y pa derecho di tur mucha na educacion (inclusividad), ta mas cu bon bini!” asina e parlamentario a expresa na su regreso.

Por ehempel, a conoce di e impacto di tecnologia riba decision, incluso e menasa potencial cu inteligencia artificial (AI) ta trece pa e capacidad humano unda ta mustra cu mester busca un balans, pa no laga e gran influencia di AI surpasa nos rol humano.

A mira e resultado di estudio y analisis riba con hende ta absorba conocimiento segun edad y genero cu e obhetivo di compronde miho na cua edad mucha muhe of mucha homber ta absorba informacion miho y ki tipo di informacion, por ehempel, idioma. A resulta cu, contrario na locual tabata kere prome (te edad di 18 aña), e periodo optimal pa absorba conocimiento por vega te edad di 25 aña.

Di otro banda, universidad
rond mundo ta presentando
un problematica caminda
e studiantenan ta scoge un



estudio segun nan comodidad y no segun e necesidad di e mercado laboral. Segun e parlamentario, mirando e situacion riba nos isla, esaki ta un area interesante pa tira bista den dje y mira con por motiva nos hobennan pa haci escogencia mas consciente. Un tema cu sigur a capta atencion di Fernandez-Acosta tabata e concepto presenta pa Universidad di Barcelona di un asina yama “Escuela Creativo”. Esaki ta un scol caminda ta pone enfoke riba stimula creatividad como un metodo di enseñansa. E parlamentario a tuma contacto cu representante di e universidad pa wak con por intercambia idea y explora un plan pa Aruba cu ta balansa cu nos curriculum

tradicional.

Den conclusion, tabata un biahe di trabou mas fructifero for di cual ta bin bek cu informacion, intercambio di idea y un red mas amplio di contacto, tur elemento cu pronto lo transmiti na e autoridadnan local y pusha iniciativa cu ta yuda eleva e nivel di enseñansa na Aruba.



Parlamentario Evelyn Wever-Croes

CONFERENCIA DI FAMIA DI GENERACION PA GENERACION ORGANISA PA TIENDA DI EDUCACION TABATA UN EXITO



ORANJESTAD – Den fin di siman, Parlamentario Evelyn Wever-Croes a

atende e conferencia di Tienda di Educacion titula “conferencia di famia di generacion pa generacion”. Durante e conferencia aki, esnan presente por a tende di e profesionalnan kico tur Tienda di Educacion ta ofrece y di tur e servicionan.

Como e unico organisacion local como tambe den caribe cu un liña di telefon (161), Tienda di Educacion ta aporta diariamente na yuda mayornan (voogd) y

educadornan cu conseho, guia y sosten encunto lantamento y criansa di mucha y hoben aki na Aruba. Nan servicionan ta basa riba e vision aline cu articulo 18 di e convencion di derecho di mucha cu ta reconoce e rol importante di e mayor/voogd y educador den e crecemento, desaroyo y bienestar di e mucha y hoben.

E conferencia di Famia “Di Generacion Pa Generacion” diasabra ultimo tabata tin como meta di mira famianan, educadornan y miembronan den nos comunidad hunto, pa siña y comparti informacion clave na loke ta e vision di sosten pa mayor como tambe criansa y educacion di mucha y hoben na Aruba.

Durante e conferencia, 4 profesional den cuido a duna un presentacion hopi interesante. Antoniette Geerman, Clementia Eugene, Luz Neyla Tromp y Nichole Kock cada un a trece un otro angulo di importancia den compronde y den cria muchanan.

Parlamentario Wever-Croes a expresa cu cria un yiu, nieto, iha of un subrina no ta nada facil, y den casonan necesario e profesionalnan aki di Tienda di Educacion lo por yuda ofrece guia, y contesta cualkier pregunta. “Masha pabien na Tienda di Educacion pa organisa un conferencia asina importante, y danki pa



e invitacion. Ami a siña hopi como profesional, como parlamentario pero

principalmente como wela” Parlamentario Wever-Croes a expresa.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Hesus a bis'é: 'Ami ta resurekshon i bida; esun ku kere den Mi lo biba, maske e muri, i tur esnan cu ta biba y ta kere den mi lo no muri nunca. Juan 11:25-26

Conforme cu boluntad di Dios y gradecido na loke el a haci y nifica pa nos,
Nos ta anuncia e transformacion di morto pa bida eterno di



Sr. Rudy Ivans Paesch
Mihor conoci cu RUDY
*** 06-September-1963 - † 13-Mei-2025**

Propetario di The New Kids Watersport / Rudy's Hut y Duzi Duzi Kafe

Na number di su:
Esposa: Angeline Dijkhoff
Yiunan: Baby Paesch
Kingsely Paesch
Prinsly Paesch

Manera yui: Franco Henriquez

Mama: Anita Paesch
Tata: † Antonio Farro

Suegro y Suegra: Adi y Rita Dijkhoff
Manera nieta: Franciënne Maduro

Rumannan: Elly Paesch y Brian Zapata Torres
Swinda Paesch
Marlyn Paesch y Peter v/d Waart
Juny Paesch
Lisette Paesch
Elvis y Grace Paesch - Alvarez-Vinueza

Demas Ruman nan Farro y yuinan

Sobrino- y sobrinanan: Hangelina, Joshuan, Daehrrren, Giandra, Djamila , Jair ,
Gianno, Anthony junior,Leandro, Ivanno, Rachel, Deborah, Misael.

Tantanen : Rufina Felicia, Agricola Farro, Sra. Vda. Ludwina Quandus-Farro

Cuñanan y Swanan: Eric y Gianni Dijkhoff y yuinan, Jeffrey y Shaendeelh Dijkhoff y
juinan, Adrith y Xenon Lacle y yuinan

Su gran amigo y Pastor: Heronimo (Chen)

Primo- y primanan: na Aruba y Hulanda.
Madrina y Padrinonan.

Su dos primanan stima: Trina Croes y Sandra Eckmeyer

Tur su trahador nan di New Kid Water Sport / Rudy's Hut y Duzi Duzi Kafe

Demas famia: Paesch, Dijkhoff, Farro, Henriquez, Booi, Welvaart,Tromp, Wever,v/d
Waart,Geerman, Alvarez-Vinueza, Croes, Lacle, Chong ,Felicia, Vrolijk, v/d Biezen,
Jones, Quandus, Petrochi, Webb, Gomez, Eckmeyer.

Disculpanos si den nos tristeza nos por a lubida un of mas number di famia

Tin oportunidad pa condolencia riba
Diarazon, 21 di mei 2025 di 7:00pm pa 9:00pm na Aurora Funeral Home

E acto di entierro lo tuma luga riba
Diahuebs, 22 di mei 2025 di 2:00pm pa 4:00pm na Aurora Funeral Home
despues ta sali pa Santana na Noord

Lamentablemente despues di entierro nos lo NO ricibi bishita di condelencia na cas

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

FORTALEZA PA FAMILIA

Scirbi pa Pastor Marcel Balootje.

CONFRONTA Y RENUNCIA NA TUR MAL INFLUENCIA DEN NOMBER DI CRISTO HESUS

Tin hopi mal influencia den aire especialmente ora nos mira con rebeldia ta aumenta di tur forma, tanto serca mucha como hende grandi, hendenan ta celebra maldad y inmoralidad, y ta rechasa bondad di Dios.

Malicia y inmoralidad ta wordo aplaudi, perversidad ta broma como moda, palabra sushi a bira un arte, ta un berguensa pa tende y mira con den un familia, tata, mama y yiu ta confronta otro cu palabra malo, ta parce manera manera Efesonan 4:29-30 a wordo saca for di Bijbel pa nan.

Awendia ni cas di Dios, ni tampoco e vecindario di cas di Dios ta wordo respeta, e temor di Dios a bira anticua pa hopi hende, y nan mente ta solamente riba cosnan carnal.

1 Corintionan 16:33 ta bisa; No laga ningun hende ganja boso, mal compania ta danja bon custumber.

No tin nada mas fastioso cu cana cu mal amistad, mantene amistad cu hende cu no tin respet pa Dios, djis pasobra nan tin placa of nan ta esnan cu bo ta depende riba dje..

Ta tempo pa aleha for di hende di mal pensamiento, immoral, violento, sensual, abusivo y busca amistad berdadero cu Cristo Hesus, Kende ta e unico mediador entre Dios y hende.

Proverbionan 13:20 ta

para scirbi: Esun cu anda cu hende sabi, lo ta sabi, ma un companero di hende bobo, lo sufri danjo. Cuanto hoben no a cay sera of perde nan bida pa motibo di cana cu hende sin escrupulo y bao di mal influencia.

Ora un mucha kier sinti su mes grandi, no ta tur biaha ta un bon influencia, pasobra diesocho anja no ta haci bo algo special, pero e ta nifica bo a drenta den un etapa cu bo mes tin cu realisa cu sieriedad den bida ta algo importante, y cu tur locual bo sembra bo ta cosecha, pero tur hoben mester sa cu aunke con grandi bo bira bo mester keda respeta, y honra bo mayornan, diesocho anja bo ta keda mesun yiu.

No sea conforme e mundo aki, ma sea transforma pa medio di e renobamento di boso mente, pa boso por comproba kico ta e bon y agradabel y perfecto boluntad di Dios. (Romanonan 12:2).

Ma e Spirito ta bisa claramente cu den ultimo temponan algun lo cay for di Fe, door di paga atencion na spiritonan enganjosos y doctrina di demonjonan, pa medio di e hipocrecia di ganjadornan, kende nan mes consenshi a wordo kima como si fuera ta cu hero cayente esaki a wordo haci. (1 Timoteo 4:1-2).

Pesey awor aki bo ta hanja hende ta apoya bibamento, enbes di casamento pa ley y pa iglesia, pasobra asina

manipulacion y confusion por keda reina den e relacion, y ningun di dos ta confia otro. Y cada rato tin e confrontacion cu nan por aparta for di otro. Y no tin sometemento, pero tin competencia.

Wak bon con interes den amor berdadero a baha, y tur cos a bira interes financiero, of interes sexual, of interes di herencia, hende ta wak kico nan por hanja den un futuro, un muher ta sinja su esposo con pa lanta un caso contra su propio



familia pa nan por hanja un cas cu nan no tin ningun derechi. djis pa golos y envidia.

Un persona ta divorcia pa e otro mantene tur luna, pasobra nunca e a stima, su deseo ta pa biba un bida sin preocupacion a costo

di otro su sufrimento.

Di berdad e mal influencia ta yena den aire, y si no tin bida di oracion, e por influencia, mente y curason di hende.

Sinceramente, Pastor Marcel Balootje.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

